

仙屏書屋初集

仙屏書屋初集詩錄卷之十二

宜黃 黃爵滋樹齋著

喜張亨甫至京次孔宥函韻四首

風雪長安道天光暗落鴉故人一樽酒流水幾年華歸  
夢烏山遠遊塵鹿洞加相逢惟一快詩好正無涯

古人期不朽世士鮮真狂萬卷心虛靜千篇思混茫  
光懷白壁挾手出青霜變化存吾道誰能繫矩長

空有千秋想誰知四海憐車牛傷販豎風浪困長年閱  
世成緘默因人畏徙遷欲從神島上攜手問蒼天

身世浮沈裏乾坤醉醒間雷驅虎燒尾霧養豹成斑傑  
士堪投贈新詩羨往還自非空谷侶咫尺亦河山

贈亨甫次喬鶴儕韻三首

英靈盛河嶽九曜燭遐荒風會期吹垢才名怯簸糠著  
書等身富報

國寸心長落落青雲士林泉半老蒼

天地藐中處巢山誰可儕江糧欣果腹我雪尚炊骸夢  
遠書難寄登高酒易懷春花方到眼一爲掃寒靈

三人市虎勢四海雲龍交素手抱朱瑟誠心占白茅昌

黎曼謗毀曼倩雜詼謝安得梧桐樹廣爲鸞鳳巢

再贈亨甫次湯海秋韻三首

明月海天來浮雲倦眼開相逢今日醉苦憶去年回夏  
瘴蒸鯨溟秋風厲駭臺藉非巖寒士歡聚恐無媒

風力詩篇老霜痕襟袖重紙添故園思不改舊時容花  
泛三江棹猿扶五嶽筇塵塗厭羹飯巖谷有笙鐘

宴坐惜光陰豪情那得禁燭憐花自結綦笑劫偏深落  
落夜將旦悠悠後視今生涯詎可料天地一長吟

次韻答湯海秋三首

高詠與時發閒愁如夢消燈傳九華夕香結五雲朝日  
暖將回鴈風輕欲解貂祗拚心骨醉不覺鬢毛蕭

性情深處合意象沒中存俗眼好龍失才人畫虎論聰  
明宜筮鼎吝嗇笑占坤滋味年來其股勁敲菜根

南國歲華新園梅弄好春鵲聲通戶牖鶴髮望星辰骨  
肉千年別竇朋四海鄉江湖同一夢難得友麋麟

湯海秋招集寓齋以九天闔闔開宮殿爲韻七首

獻歲已七日青黑尚未剖盤蔬維冬春賓朋集八九望  
古通心源論詩恣談口不飲亦已佳陶然就吾友

萬物各有適，測後當知前。試觀古來士，浩與時世遷。置粟招失馬，利害非所攸。不如長嘯詠，相與安其天。

登高望千里，雪色橫太行。黃人奉朝日，塊麗迴天閭。二儀幹大化，轉變誰能量。惟思繫長繩，爲我留景光。

風林噪飛鴉，雨檐靜棲鴿。物情有旦暮，因時悟闢闔。生涯喆轉九，世事魚投罟。何如對春酒，一笑觀六合。

雞鳴拔劍起，落日空徘徊。出門何所適，素衣蒙塵埃。歡然就吾友，笑顏爲之開。豈必重意氣，要當無嫌猜。

君昔從房杜，蒙筆瓊瑤宮。退食事吟詠，脫手驅長虹。力

銳世誰敵思幽神爲通嗟我戴斗極拭目橫崆峒  
杜韓世不作大道失冥眴不登三神山誰識九仙殿海  
波日鴻洞元音豁萬變瑤琴一再彈清聽庶無倦

葉筠潭前輩招集白鶴山房以碧桃滿樹風日水  
濱爲韻八首

隆冬凜寒涸微陽漸通脈只憐春風吹翻長鬢邊白先  
生善優暇嗜好有同癖光輝千斛珠欲報匪瑤碧

榮名千古希茂實貴所操昔聞閩中使徧地植李桃苑  
枯有天運人事嗟勤勞祇今見古誼上薄天雲高

條山峻足攀灘水清可盥酒澆介福寒風把舜樓滿迴  
首一長嘯煙霞聚常散惟餘百卷詩皦雪貯銀盃  
驅車向東華三日一良晤積霰摧馬蹄殘冰落鴉味綠  
陰何日成盼此庭前樹高談餘夙歡苦茗多新趣  
比鄰東西巷來往頓詩筒忘年相爾汝入座酣光風俯  
仰話今昔玉屑霏簾櫳憂樂庶無異寤寐相與同

長安冠蓋都茲曾壓真率列座四海珍衆作千秋述小  
邦愧曹檜不戰力已絀歸來且閉門索句到斜日

昔遊真人觀岑寂白雲裏節佳燕九過頻年悵流水明



當上江亭更招海嶽士西山集靈仙樓閣見彈指  
往時漁樵侶散髮江湖濱側覩君子義未敢思隱淪氣  
類苟不孤語言非所珍懷哉崇令德日月光常新

題都溪蓮花橋冊子

橋建於李公大年道光辛卯冬江華獨變公孫嘉俊常率

義旅拒賊於此

傑閣神明峙寒流甲馬屯蓮花復開落雲影白朝昏欲  
過春陵宅因尋瀟水源漁樵談往事載訪李翁孫

戊戌長夏懷人詩二十四首

郭羽可中翰儀霄

愛爾離披竹清風來自南山中孤鳥託夢裏故人談勳業閒鋤藥文章老課男新詩遙和處秋月起澄潭

杜稼軒比部齋辰

問道山陰子行吟樂事多秋江上肥蟹春嶼散羣鵝東  
哲詩能補昆吾劍不磨白雲樓畔侶相望意如何

前輩吳仲昀觀察振棧

風雲夢靈嶽歲月悵勞山民望應難絕天心未許閒三  
千詩律健四十鬢毛斑相憶明湖月流光秋漢間

姚石甫觀察瑩

故人七千里南望海雲飛番種無生熟民情有是非  
遊狎蛟鱷新句拾珠璣消息參應透君舊有心天風清  
清消息圖

四圍

馮子良大令詢

廬陵有祠墓恰在永豐鄉溪水自千古誰堪薦一觴  
京華見豪俠江國望循良翹首青原側銀蟾正似霜

譚桐舫大令祖同

羨爾飛騰筆終成槃錯才鈞天猶夢到大地幾眉開秋  
壑魚龍靜春江花柳催故人多白髮聚散感尊罍

許价人大令道藩

千古含桃閣風流想見之  
今君好爲宰古事益多師  
淮水月明夜燕關花落時  
令名各努力天末慰相思

李牧臣廣文覺

第六泉邊月清光恰照君  
忘懷常中酒得意在論文  
園果添錢種鑑香覓句焚  
舊遊同在眼紙是悵離羣

黃香鐵廣文釗

萬里湖陽月三春上谷花  
酖顏憶秣酒孤夢託天涯  
麟閣新詩健蠅頭尺素嘉  
美言何以報白髮畏鬢

張開甫廣文履

俗吏不可作相期吾道存學規四箴重

時以勵學四箴見示

家法

二銘尊霄淨雲橫鶴江空浪湧龜茅山有高士應許其  
朝昏

徐東松明經湘潭

蕭瑟復蕭瑟飛鴻斷遠霄似聞吟更健不信病偏饒石  
碧雲邊寺金溪月下橋何時互相過尊酒話漁樵

潘毅士明經葆田

回首更千里飛鳴感脊令酒邊關月白夢裏越山青養

影消明鏡花光黯畫屏似聞甘寂寞一卷佛前經

姚梅伯孝廉燮

徐陵

調廉峯前輩

有高第抑塞比王郎才調工三影騷情蘊

九章雲飛海門際花落月湖旁貪寫蛾眉撓終非時世  
妝

陳唐甫明經符運

南海丹砂熟思君飽啖時故人書萬里獨客酒千卮信  
美非吾土多窮拚此詩龜峰何日返世路惜嶽崎

陳伯游太學方海

鄱湖萬頃漲浩渺接長江宅近齊梁卜文應魏晉降繒  
塵不染素隻影自成雙想見披吟處疎花媚夕窗

劉湘華孝廉熊

不見劉郎面白雲山下秋海聲挾風雨潮氣逼蛟蚘安  
得千杯酒同登百丈樓離離誦新句發興自滄洲

溫伊初孝廉訓

海嶽文章在蕭然返故居桂花隱簾月榕葉覆牀書夢  
遠懷人夜吟工待酒餘鶴聲聊可和翹首碧天虛

蔣子瀟孝廉湘南

憐君抱奇氣折節欲窮經匹馬長河遠孤雲太室青  
古人如可作世士竟誰醒想見讀書處風林起暮螢

金嶠谷孝廉望欣

寫笠軒何處高吟看遠天酒邊剛到月晝裏欲飛泉  
燕市緇塵久江關落葉偏惟應五峰好相傍赤松眠

丁儉卿孝廉晏

老爾著書手驚人博古才風塵重相見歲月若爲催  
課讀佳兒侍傾樽勝友陪廣陵潮欲起作賦定推枚

魯蘭岑孝廉一同



山陽多傑士年少更推君虹貫滄江月雕橫大漠雲文章定餘技冊籍有奇勲恨不留君住談碁對夕曛

張補山孝廉鵬翮

揮手憶長途蕭然兩鬢孤風高墮雲鴈冰凍走河狐宇宙存知己詩書泣故吾山中有靈藥事業卽俞跗

潘四農孝廉德輿

文字求知己難於索鬼神祇存千古志不負百年身出可爲龍虎藏猶比鳳麟吾生亦何補洗眼看風塵

兄壽泉翁樞

憶昔行吟處相攜明月中池花隱疎竹崖露溼高楓元  
鬢今何似青山夢與同尚憐北窗下努力課兒童

奇題永豐鍾秀峰爲郭羽可

羽可家永豐之層山村有山曰石峯鹿春

如太守易其名曰鍾秀峯云

老可嬉遊處石峰天下知邀來太守喜索遍故交詩妙  
畫添松竹靈根種朮芝巖頭萬古月

峯腰石洞名月巖

顯晦其

心期

戊戌五月十一日作示內

油雲罩四空甘澍流千里心懸廊廟歡眼見賓朋喜旣

雨晴復佳愜暑後如洗榴火凝朱闌荷風漱綠沚披應  
愛薄羅薦恰宜芳醴側聞鄉人言江湖多積冰安得燥  
溼均成就農桑理期頤奉高堂耕讀到元耳豈伊蒙山  
陽但傳老萊子

暑夕獨上

暑雨連朝罷  
階小坐宜虛簷風引篆高樹月移枝毒  
避飢蚊嚙涼生靜鳥知只貪清夜景欲睡故遲遲

古歌爲廣豐韓黻麒妻作

士未殺忠不隳女未醜節不移君不見徐氏子韓氏婦

入門哭夫入室撫孤堂上白髮翁與姑鵲絃一聲天地  
裂女貞萬古凌寒雪

孔宥函艾至堂臧牧菴諸君先後出都賦詩送別

二首

西風涼葉戰高秋別思無端起暮愁家在江南惟有夢  
天橫塞北怯登樓交游聚散憐浮梗身世升沈感幻漚  
此去但逢湖海士爲言無恙羨閒鷗

平生意氣其飛揚撫劍高歌太慨慷拒轍空憐螿有臂  
登盤真笑蟹無腸青琴語罷依明月紅樹行深戒曉霜

應憶睡卿無一事清秋酌菊花黃

寄和吳仲雲前輩移居

衝颿怒捲翠微稜玉河凍起日色薄園林幾見鵲定巢  
節序但驚蛇赴壑挑燈重展故人書搬典家具移新居  
湖風高臥一椽下海月相思千里餘是時火龍騰赤地  
請水倉皇走官吏近市何心記榛梗閉門聊復安身世  
安得從君叫九閭前招三辰後鳳凰遊氛一掃六合淨  
八荒爲室參翱翔炎涼變態信俄頃至人守道憑虛靜  
檐前乾鵲噪梅花想燕枯枝煮寒茗

得趙心菴書卻寄

明月能飛渡何愁一水深寥寥惜吾影浩浩見君心  
夢憶東風醉寒催朔雪吟餘情渺何極霄漢展鴻音

陶堰雲山經用樓歌寄范叟

黃生詩興久不發范叟相招北樓月斯樓乃在會稽湖  
山間萬壑千巖其幽悅前羅瀟灑之叢竹後列芬馥之  
芳蘭中有趙公鐵如意苔花澀繡生陰寒摩挲神物快  
一擊夢魂與我相盤桓定憶長安沽酒肆五陵年少驚  
相避高歌自對眼中人絮語難忘天下事雲山無恙待

君歸湖頭酒美魚更肥試看鷹馬空神駿何似鷗鳧息  
化機

次韻答族子冲

山有木兮木有枝是惟元氣相扶持千葩萬蘂恥徒豔  
落實乃蘊乾坤奇天光下垂一星大此筆落落吾所師  
載以出雲降雨之靈岳滌以沐日浴月之天池瑤華爲  
藻鐵爲幹有用無用難窮推抑之則鼠伏揚之則鵬飛  
珍之若韜劍賤之如汚卮獨怪世人昧厥本手中往往  
生癡瘼中書老秃亦徒爾真宰一失誰能追嗟予守此

計已拙子來就我勤相規  
風雨無端泣神鬼雷霆下擊  
摧罔夔天公惱我使束手如髮欲理無銀匱  
唐花破凍春菲菲堅冰釋  
祝堪吟詩贈子不律乃大喜濡毫吮墨  
徵風期如源自遠庶不竭如山克崇斯不舉  
吾家祖德况可述七世流風今未衰  
欲廣鼉梁濟川險只憐臣叔眞成癡  
鳳皇之陔北山麓高堂白髮猶孜孜  
九族未見全衣食四海何論半溺飢  
子來就我亦太息耳聞目見淒以悲  
世上知交空好事天涯骨肉共生離  
只愁紅塵眯滿目不嫌白水寒生脾  
天公昨夜豐玉貽人間萬卉



懷恩施會當送窮命虎僕春鴻嘹唳聞天遠

在孟慈徐鏡溪兩君將有東河之役餞之龍樹寺

賦詩送別

揮手自茲別何時樽再傾練才

明主意贈策故人情柳拂津門暗花含濟水清舊遊漫  
回首夢裏一鐘聲

江亭送春次韻答俞四香二首

遙邈城南一徑斜年來幾度此停車雲光仍帶蒹葭閣  
雨意偏遲芍藥家眯目風塵春易老傾心湖海酒能賒

冥鴻歷歷太行外健馬蕭蕭易水涯

繁華羨爾筆能刪小隱漁樵第一班  
祇爲抱琴憐識曲何當說劍解愁顏  
碧天垂影入詩座黃鳥依人似故山  
猶愛明湖堪避暑荷花風送一舟還

仙屏書屋初集詩錄卷之十三

宜黃 黃爵滋撰

楊村竹枝詞四首

北運河北風奈爾何南運河南風將若何

黃花魚到時長有先得食黃花魚過時長官不暇食

二月船出塢十月船歸塢歸塢冰折柁出塢急如火

離離沙上鴻愁殺船家翁衙衙倉中鼠羨殺船家婦

新城舟中口占

雲似織羅月似鉤翠微天末雨初收蟬聲朝暮如相續

送到江南正好秋

趙北口

十二橋頭落月斜  
老漁炊火傍蘆花  
鷓鴣瞥向波心起  
銜得紅鱗上釣槎

重謁孟夫子廟

廟貌千秋在齋心百拜來  
曝書頰借日震井尚聞雷  
已折儀秦舌尤卑管晏才  
孤桐如可託願就嶧山栽

嶧縣道中

渚葉林花雨意酣  
青山入望是江南  
河流更在青山外

記取黃樓繫曉驂

靈壁道中

磬石當年禹跡臨至今髮擊有遺音  
行人欲向泗濱問  
愁說河淮秋漲深

江介

江介風雲萬里馳白龍推浪作山移  
盆中亦有蛟龍種  
誰惜飛騰出世姿

爲湯兩生將軍題其尊人緯堂先生遺照

父忠子能孝萬古見斯門死爲戀親  
故心同報國論海

風號鬼伯江月返詩魂詰嗣聲名遠於今識本原

馮虛閣酬湯雨生

高閣逼秋氣境靜人意徐湖光五洲合山色半城舒拾級此登眺脫帽成軒渠典廢已陳迹來往仍須臾長繩那得繫明月不可呼惟應惠崇筆我坐煙雨圖

莫愁湖

一片湖光繞郭幽青山綠榭其雲浮魚租早入名王宅燕語仍分少婦樓叢蔣雨餘千頃碧敗荷風捲一亭秋清樽預話來朝別江水茫茫送客舟

金陵贈別四首

范今雨

幾日秦淮雨偏憎暮色深殘鐘老僧偈畫燭美人心江  
樹爲迎送湖雲自古今真機誰得似惟有渚邊禽

章理菴

不飲識飲趣懷君招飲時一鐙風雨感十載死生疑鶴  
影空亭月桃花冷暑詩故交幾泉下珍重惜分離

嚴問樵

一掬花前淚袁江江水長

君姬張佩  
珮新歿

那堪桃葉渡重過

鬱金堂京國懷人夢湖山縱酒場平生憂樂志莫便賦  
徜徉

孔宥函

嗟子亦蕭瑟秋江落葉紛山陽他日笛到耳不堪聞泣  
下揚雄字悲深宋玉文憑高一相送寒鴈正呼羣

重過閔子祠

蕭瑟林塘外空祠倚墓田靈烏回日暮吠犬向人前柏  
樹立青鐵蘆花飛白緜言尋耕讀齋駐馬幾流連

嶧山



二儀孕靈氣翕闢自太古萬石壘一山嵯岬森鬼斧積  
鐵橫九霄秦岱此門戶冥觀百怪伏眩視羣螿舞泉光  
空鑱生松力崩崖挂紀城已非昔秦碑在何許惟懷魯  
中叟登茲小東土白雲吐困倉神颯振鐘鼓我欲語媯  
皇此石天可補

曲阜謁

先師孔子廟林敬紀

皇己亥十月旬三日丙子小子自鄒嶧薰沐趨闕里天  
懸海日晶地擁岳雲奕入門撫所植登堂視厥履法物

周漢隆天章

聖神巋上公世守之森森見綱紀乃知生民則不越詩  
與禮奈何先黃老咄哉龍門史大道詎榛蕪斯民惜昏  
靡頽沒汨以揚誰作中流砥不聞漢宋儒治術秉經旨  
食古尚貽譏况於高閣皮尋途嗟易歧窺谷畏無底蒼  
蒼楷樹廬澹澹洙橋水靈著倘許陳昭若發矇始

蘄州道上望南臺諸山

怪石隱苔泉松溪鎖斷煙到來應有路只在亂峰邊

遵化州

山勢飛騰出石門魚龍雜沓浪掀翻東趨兩角風雲壯  
北鎖三臺拱衛尊自昔征鴻秋滿塞祇今哨雉響連村  
秦邊漢戍會何險寒日蕭蕭下古原

澄海樓歌

角山如火燒海角老龍吸海唾一杓天寒海水盡成冰  
失笑龍宮無地著登樓聯視混茫中白光乍斷青濛濛  
乃知海氣最深處風雲自與元冥通秦王鞭石在何許  
荒島寒煙鬱榛莽蕭蕭牧馬帶霜來獵獵飛鴻向空去  
石河戰血洗春潮二百年來賦樂郊誰尋射虎將軍羽

且酌釣魚居士膠百靈長此扈

丹蹕

聖子

神孫燁繼述幸依倬漢窺

天章願假滄溟洗塵筆夕照歸途思逸然鐘聲催起月  
橫天夜夢應飛角山寺馴龍宛宛毒龍避

元夕魚溝驛館

一年今夜月初圓坐對流光思悄然樽酒平生知己在  
夢魂應到馬蹄邊

渡揚子江

一夜春潮洗劍山海門東指爲開顏天橫白鶴孤飛外  
人在青螺兩點間落日魚龍知氣靜大江風月到襟間  
好尋第一中冷水預約詩僧買櫂還

七里瀧歌和雷鶴皋

富春驛灘復灘入瀧出瀧山復山大願無風七十里看  
盡瀧中山與水瀧中之水何悠悠瀧中之山幽更幽但  
愛青山隨客枕誰憐綠水泛行舟綠水去不還青山此  
長在怒潮不到胥口來白雲終向桐君待憑君且食縮

仙身書卷  
項編瀧中酒美春花妍憑君試聽畫眉鳥瀧外山高水  
雲渺

過仙霞關次雷鶴皋韻四首

第一控東瀛雄關絕嶮橫郎溪迷北望姑嶺背西行澗  
樹藏雲暗巖花映日明塵途聊息鞅空谷愧傳聲  
花雨氣瀰漫陰厓古剝蟠竹根蛇贖蛻松頂鶴飄翰丹  
竈餘紅燒清池霽翠寒老僧齋粥罷世事詎相干  
溪斷萬峰連峰尖綠到天懸厓聞斷筍隔嶺見炊煙石  
倚樵夫擔筒飛浣婦泉幽芳足怡悅客思正悠然

七百崎嶇路何人，一劍通老兵。知地勢，儒吏惜民風。  
龍臥深潭靜，鳥啼曉戍空。三山應在眼，春水照花驄。

閩中述事四首呈鄧嶰筠制軍前輩

風雪曾榆塞，鶯花又劍津。海聲疑入夜，山色記逢春。  
望遠郵書滯，憑高得句新。馳驅酬夙願，聊復切諮詢。

澳遠天連粵，殿高浪湧臺。巡洋兵力重，討海利源開。  
何意吞舟者，偏乘漏網來。斬蛟猶有士，徒鯁豈無才。

申勸天心亟，寅承帝訓通。愛人

明主政除惡，蠶臣衷雨洗。蚶江碧雲開，象嶼紅今看。移

節處民望慰無窮

時議令總督  
暫駐泉州

聞道銅山擊鯨鯢膽已寒重樓雖變幻後窟易摧殘握  
要中先外因時猛濟寬南薰歌一曲應喜被歸鞦

贈常南陔觀察

得似西臺日忘懷盃酒親濤聲五虎口雲氣七鯤身俗  
敝勞賢吏情殷話故人青天方倚劍光怪爛星辰

晚登越王山麓與胡恕堂觀察話別

幽尋底用覓芳郊窄徑蛇盤出鳥巢涼月生時萬籟靜  
白雲低處四山包荒池劍氣覘猶在片石琴聲和孰教



適意不妨成久住明朝有客挂颿梢

福州督署觀

御賜右旋白螺歌

高廟聖武隆止戈西方神物來白螺以茲不可思議之  
功德靖爾東南萬頃陽侯波澎湖三十有六島當時血  
戰長鯨掃曷吏猶煩視海勤班兵幾見戍臺老白螺白  
螺遭逢

盛世爲光榮一龕供養心太平右旋卽寓左旋理有用  
方從無用生君不見螺溪之水月千尺清光恰照白螺

白白螺白螺如爾牢總視黃頭慎駕操

越王山麓晚興

晚興夫如何鐘鳴月在鳴近郭喧吠厖遙林息歸羽星  
斗射干莫天風盪樓櫓磬磬水車連獵獵山火聚雲際  
幻海色煙空出人語習靜籟暗生延涼夜方午豫約扁  
舟行秋江送殘暑

閱羅六湖平山晚眺畫卷感而賦之

清氣在天地因時爲泮奐人意適陰晴山光移暮旦垂  
垂海角虹厯厯煙中翰榕陰鬱樓閣荔火隱江岸披圖

足寫心閒事翻扼腕甫驚廈門烽忽報舟山變逡巡燕  
幕危倉猝魚釜爛東南幾天險甌閩通一綫心懸素月  
飛目極孤雲斷高臺怯登陟復此感聚散庭花若爲留  
逕草惜已蔓箕斗張前櫓宵深記三歎

建陽行館

晨途星乍沒候館晷旋午南榮火繖張北牖冰壺貯黃  
華山色佳晴綠浸江渚羣牛臥清波獨鳥立煙澹老漁  
習前灘舟客愁長浦物情豈殊觀人意自相取惜哉武  
夷君欲往不得與何處題詩巖清猿夢中語

西陽嶺

山中老僧臥白雲雲流滿山不見山  
蘭房招我復相入  
慙愧山僧爲主人黯後灘頭月初謝  
悽愴嶺畔松堪藉  
世間真笑宰官忙  
花落花開空傳舍

重經仙霞嶺次壁間韻四首

軋軋元蟬響碧峰秋光冷到玉芙蓉  
龍潭曉月愁中墮  
虎嶼驚濤夢裏春流水東西成別路  
白雲來往媿塵蹤  
苔花踏徧蒼厓石何似山僧坐臥慵

丹楓翠竹引長途  
忘卻重關絕嶮扶  
巒嶠只今天障海

江潮從古勢吞吳  
甌閩習俗遺民在  
譚城勲名曠代無  
聞道羽書徵調急  
荒雞夜半客懷孤

山僧種樹歲年長  
勝地煙雲自主張  
古戍霞烘千柏赤  
前谿雨過萬松香  
時聞鳥語來天外  
又聽泉聲到上方  
往事風流增感慨  
碧紗詩墨尚淋浪

片石江郎一徑通  
峰巔照見日瞳矐  
神仙不合居塵界  
花柳當年似夢中  
丹竈埋雲蹤易失  
黃金布地術難工  
故鄉大有溪山好  
千里冥心託遠鴻

舟至陽湖復偕祁春浦前輩奉

命入閩途中得雜詩二十一首

大澤迴風雨天南感使舟繁聲江墮鴈溼翅渚連鷗晝  
角催殘夜清尊判暮秋故人疑夢裏情話一相投

調陳雲乃

通守嚴問  
樵太史

政事催科拙文章覓食難圖誰收鄭俠臥欲縱袁安瓜  
步江聲遠榭橋月色寒秋風吹返櫂祇自怯衣單

昔仰承明望今知啓事才花憐鄧尉別酒憶惠泉來列  
席江湖慣還旌鷗鷺猜心懷底事急翻惜奪西臺

夾馬舊山河岳王祠重過空憐奸鑄鐵誰爲敵橫戈裒

詔言猶在遺容劫不磨棲鳥來夕照認取向南柯

曾泛三潭月頻看九里松偶來仍夢過一飯已雲蹤塵  
路幾時息芳園何處逢無人知涑水石壁澆蛟龍

水竹深成院山松矮作窠月沈皋羽墓風起子陵祠異  
代興亡迹千秋俯仰思往來應不倦別藓爲尋碑

九姓漁人婦生涯澱水間花飛愁歲晚糲減爲錢慳江  
雨鳴秋瑟山雲溼曉鬢盼人溪上柳頭白幾時還

一水爲迎送千山與坐眠峰頭開月鏡江面擘雲箋墟  
散人藏鴨溪分鳥趁船此行須飽飯喜是說豐年

東望指蛟門倉皇海日翻  
羊犬異人性蜂蟻識  
君恩擘畫軍謀定裁量

國體尊

廟堂有神燭應爲照幽昏

異代貔貅將平倭尚策勳  
况當焚却貢敢肆蝮爲氛  
河海流終判華夷界自分  
天弧何處射慘沒對寒雲

萬疊西陽崱環峰亘碧霄  
蛻僧香火盛馴羽稻梁饒  
竹露滴幽嶂蘭麝生靜寮  
倘令人跡遠應爲駐松喬

天影沒遙巘山光界短牆  
溼雲春薜散晴雪晚菽香  
力



爲梯田竭機因辱水忙畚民何禮俗樸陋自陶唐

童遊橋下水來自武夷峰月色分遙火灘聲急晚春雙  
流環堞竹孤館對山松藥圃長饒好吾將卜所從

黯沒斜陽寺東谿一水秋船聲催過鴈灘勢束奔牛未  
覺靈津險翻思寶劍求江干同佇立晚吹起颼颼

峭壁橫孤驛空潭瀉急湍雲深山氣白霧重日光寒隔  
障間樵斧沿溪想釣竿幾家茆屋在薯蕷飽朝餐

綠玉一溪水雲濤激漩飛蛟龍疑好事鷗鷺自忘機石  
腹寒生枕嵐頭溼漉衣夜來清夢覺殘月滿船扉

風轉江心石雲藏天外山驚流飛鷁趁落木健雕還岸  
蘚經霜老溪花笑容頑何緣不歸去閒卻舊松關  
南臺萬家市煙火雜江昏花氣連烏石潮聲送虎門師  
船懸夜月估舶聚朝暎遙憶還珠浦情形可其論

涵江沙坂路雲物似江南蕞尾當風綠楓根漬水藍月  
橋穿夜艇霜驛繫朝驂浩蕩煙波網漁翁趣可耽

澗谷沙鳴雨危峰石鬪雲林荒啼怪鳥室閭聚饑蠹榕  
社諸兒戲瓜田老婦耘此邦非異俗何忍聽絲琴

古浪嶼邊月高崎汎外山重門蛟蜃逼諸島鷺鷗閒險

帶金門峙雄看石壁環便期東海若勺水洗塵寰

福州水部門外觀造殿歌

烏龍江水慘不波火雲瞥見騰秋螺雷公鼓橐百靈集  
海天不敢橫鴛鴦我從鷺嶼一登陞交趾神物爭摩挲

此名正威克副實駭聞一擊顛夷舸

本年七月間事

聖人不殺示神武犬狼異類何足語時平將吏戒恬嬉  
此是綢繆未陰雨曷臣不敢廢籌邊守將方知急禦侮  
百年之計在一時四海爲謀豈寸土試看廠吏爭趨功  
模成物備無不供三十二門齊猛烈誰甘不用蓋元戎

介序書  
蒼頭老卒膽血壯赤腳蠻婦精誠通古來攻心是兵法  
勿使輕視來羣懷

考亭謁朱文公祠

竹林精舍尚依然遙溯滄州講學年稍許閩中存治法  
獨從漢後定心傳星垂五緯昭文物水抱雙谿會管絃  
靈谷風雲猶在望追尋應不外遺編

十一月六日度仙霞關寺僧復邀坐池亭上讀壁

間龐雪厓先生詩次韻和之

風駕二萬里幾度蟠蒼天春殘秋復盡寒潭仍碧煙昨

者南浦東四憩西陽巖老僧道鄉里情話相周旋量竹  
剖作規裁杉規爲椽出山復入山隨地憐幽偏行役嗟  
未已北向愁廣淵仙霞一池水安能滌我肩鶴飲無盡  
日蚪潛不知年惜哉奔壑去萬斛成嗚咽山僧聞我感  
聳立厓檻前煨芋且相譔布金吾未便昂頭見龐叟詩  
句何清堅清時二百載絕險猶蕩平山禽啼向閣郵犢  
歸自田夜闌倚虛幌聊和山中篇

山行雜詠三首

野菊連錢秀拈來乍有香不須矜寵貴轉得傲風霜

似雪後如雲空山楓子溼山婦採作油斜陽一梯立  
南邦有嘉柚厥實鉅如斗得味豈不酸赤心庶可剖

丹徒候風龔木民司馬招登北固山樓望金焦二

山題壁三首

京峴中分一綫迴翠屏三面倚江開鳳池自昔遍淮海  
麟塚何年闢草萊落木千林含凍雨寒潮終古沸陰雷  
故人會有南宮筆指點金焦作畫材

頭陀一去幾經年日照巖空鎖暮煙金玉尚嵌彫後竹  
蛟龍應護定中泉樓臺雪月千秋換胥漢圖書萬古懸

爲語山僧勤拂拭他時能假北庵眠

長波浩淼接歸墟俯見雙峰照眼初江底游龍作天塹

巖頭瘞鶴有奇書頗聞節使尋荒戍

謂裕曾

可許詩人

託傲廬

謂張亭甫

千里衣塵猶未澣且欣攬勝極南徐

渡江用春浦前輩詩韻寄木民竝示其友人王弗

矜時王爲作北固攬勝圖也

榜人醉臥已三日爲待長江畫卷開  
甘露忽從天末見  
灑泉一笑洞中來  
檣頭日帶雲光湧  
舵尾山隨樹影迴  
底事陰晴多變態  
新詩脫手問黔雷

至揚州不得晤葉筠潭前輩有作

老輩風流曠代望  
燕門蕭瑟幾寒霜  
卽今白鶴移歸櫂  
何處青山卜草堂  
北顧濤聲沈曉月  
南朝樹色隱斜陽  
無由語續花前茗  
徒使心飛竹裏觴



仙屏書屋初集詩錄卷之十四

宜黃 黃爵滋樹齋著

琅琊道中

嚴風號夜半，懸馬暗不鳴。  
僕夫促我起，瑟縮愁宵征。  
宵征夫如何，驛火導我行。  
火光迸雪影，照眼紛縱橫。  
是時萬家寂，臥犬亦不驚。  
不知蓬戶外，種滿千瑤瓊。  
熹微四天暗，迷離一水明。  
但見琅琊白，不見琅琊青。

岱廟登五鳳樓作

不知斯嶽峻，但看斯廟崇。  
蒼槐與翠柏，攫挐紛蚪龍。  
託

根萬古上閱世何始終斤斤辨周漢所見毋乃壅試登  
五鳳樓遙指天門通積雪不可上巖飈振蒼穹旣孤青  
霞約空想鉏人蹤

海防篇贈臧牧菴從軍一百韻

海爲天地間爲物稱最鉅天以限華夷使彼不得與獻  
雉謝越裳貢葵郤西旅是豈德弗賓道在守吾圉參寥  
海濱民鼃黽與同渚擯之曰荒服無利焉可賈三代去  
已遠人事日誇詡遂令駟僮雄川陸窮車觶有明劉郎  
中才識出衆伍水程匿西洋事寢遂不舉其後日本倭

句結頗蠶午朱紈斬通番俞戚奮如虎譚公號知兵素  
抱得交捋危邦况有賴璘縱一何武彼蠢何足誅往事  
信昭昨天運有循環生殺視所取何物阿芙蓉乘機肆  
爲蠱滔甚洪水波毒逾猛獸齒叶黠者利若邱愚者命  
如縷已謂家可焚詎計國之侮彼方給予求吾豈遽爾  
拒雖云箭在絃莫忘薪抽釜

聖人仁若天下令疾雷鼓堂堂執金吾奉法無所阻京  
師首善區效已八九覩復聞湖湘間戔戔懷制府泥首  
千百羣再生呼父母叶四海苟同雲有若聚沙兩詎謂

勢紛紜曾不翕其羽嘻嘻雀處巢咄咄蟲生腐透迤龍  
化蛇倉猝貓避鼠哀哉死事忠簧舌忍交吐我聞狼山  
賊顛覆遭颶母叶又聞落伽寇披猖激神怒帝女作精  
衛濤神尚白馬叶奈何今罔聞順蹶逆反助叶我欲叫  
天后奮袂使其起叶北投黃城鞭東然黑水炬惟闕爾  
鄉里爾旣饗其醑惟甌粵爾鄰爾亦歆其俎龍鼉爾所  
駕丁甲爾所部胡爲置罔聞忠孝在何許后曰爾不智  
仁愛天自溥天道有盈虛人自豐其部豪富侈暴殄強  
梁專跋扈其怪若當康其兇甚窳窳是惟以利啖仁義

非所願叶彼蠹亦何知反客竟爲主天欲加之誅彼方  
肆其怙焉能秘聲色而遂反聾瞽狼恐失其行蟹必復  
以聚善釣且理縉善繳當治怒人自操其機人悔天必  
予彼蠹亦何爲數窮技當沮腹心爾不憂爾憂其愈愈  
吾觀海所居屹若天地戶齋淪挹江河轆轤橫島嶼遠  
當稻艘輸近可鹽鑊煮往往扼農田時時閉盜藪叶羅  
羅百州縣有若楹排礎煌煌六萬師有若絲緯杼太平  
乃不習今事久非古臧子天下才胸中富籟絡慮事矜  
百中作氣鄙一鼓我方策海防念此非細故叶搜羅賴

子勤圖表獻

當宁是惟簡則明

褒嘉出

天語微臣有何知制作窺

宗

祖首尾備應援中外慎防杜譬如人一身血脈貫六腑  
所以二萬里洞若揭堂廡古來安邊材漢唐足可數誰  
當橫海鯨一掃馳河鉅將軍自天來飛廉導衙衙褒鄂  
愛丰采賁獲矜超距首當固人心次必嚴奸豎車雖一

隅指聲當萬里樹

廟堂夫何爲吁咈咨舉禹何以決難子何以符樂胥何  
以絕因循何以戒莽鹵何以賤金銀何以足倉庾何以  
減征調何以息疾苦上斷下必行內安外自禦惟動而  
不居惟靜而有所惟恆以爲規惟一以爲矩

聖德自如海非海亦蒸煦

聖心自有防其防在善補微臣有何知旅進愧簪組臧  
子爾其行飲爾百清醕結交重信陵談笑薄夷甫鏡影  
奪千里劍鋒摧十步叶壯志庶可伸良朋豈虛佇嵯峩

金雞巔窈窕曹娥澣秋風萬家室杳不聞砧杵東臺憶  
故人謂姚石甫獨力可撐拄歧海漲海間嶮峙非一堡叶衆  
志始爲城不然豈安堵會當挽天河洗淨六合宇收彼  
佛郎機鑄作漢家柱功成誰得居頌曰

天子祐

懷友詩三首

郭羽可

落葉滿庭院歸雅語暮寒故人書忽到耐向風前看

艾至堂



落木一江澄江空浪湧  
晉遙知閉戶處依舊一青鐙

張亨甫

巖樓應未可航海意如何  
夜夢與君語金尊空浩歌

通州曉發

破曉市聲出衝寒馬力勝  
天風扶海日鳴雪炫河冰凍  
雀仍依樹潛魚不上簷  
荷花深放櫂迴首記吾曾

自楊村還宿河西務

曉月駝峰冷暮雲雅陣繁  
方迴赤縣轍仍溯白河源  
弱女別離淚仲秋余婿挈眷  
由潞河南歸高堂寤寐言  
春風肯惠我一

權返家門

滿城過斬文襄墓

八疏無遺策千秋有盡臣  
生能捍民患死可作河神帷  
幄資良友謨猷定

聖人龍蛇今待放重此勢方臻

滹沱河

莽莽石連沙滹沱覓水涯  
陂田難問稅岸樹幾橫槎  
草憶渡頭綠絲添川上花  
犇流終靡定無力但長嗟

雲霄寺卽古固關

偃仄何年寺嵯峨絕塞雄日銜四山頂炊起萬窯中摧  
稅連凹紇屯兵控大蒙翻令惜多事車騎一朝通

狄梁公故里

親舍白雲下茲鄉公所思勲原在唐室道豈媿盧姨地  
著文侯國光分吉甫祠征途常靡及空欲薦寒漪

介休道中望繇山

傳聞繇水曲有樹號神林一笑焚山火何如鑄像金當  
時人已遠千古跡空尋潔惠斯無愧休風仰至今

漢淮陰侯墓

函首西來馬鬣封英雄末路失從容  
飢猶可療韓江飯  
寃不能鳴漢室鐘  
大岳山頭雲莽莽  
冷泉關外水溶溶  
當時猛士消亡盡  
誰學留侯訪赤松

洪洞謁皋陶廟

帝系溯顓頊聖母緬邠屠白帝遺馬喙  
邁種襄神謨當時廟堂上益地方陳圖  
神禹讓之再何足爲有無惟思  
盡所職昌言允都俞知人握政本  
讒殄奚足誅乃知名  
法家黷畫徒區區  
我來肅瞻拜俯仰循庭隅  
槐疎炬照  
爛柏勁香縈紆  
舳舻尚有里憑軾升東烏

自平陽至蒲州雜詩四首

河山莽交會自古聖神區  
治水聞先冀揮絃方在蒲  
習勤風最古世遠道非誣  
欲覓樓巖寺桃花今有無

瑤池白玉瑯吹阜萬古財  
暑積城頭雪晴轟坂上雷  
時方艱食奏富自裕民來  
府海竊餘緒猶稱天下才

一曲二千里三門萬派投  
誰堪化龍許且饜食魚求  
雪隱葡萄澗風迴鶴雀樓  
祇今憐捧土東望使人愁

重利輕離別他鄉豈故鄉  
誰能忍彈淚坐使怨縫裳  
天盡北蒙古地開東太行  
由來羨倚頓墟墓亦荒涼

華嶽行

天生萬物必有成誰其主者太白精井鬼下瞰森萬丈  
黃帝於茲觴百靈有虞秩祀尚可考鳳儀獸舞來斯庭  
茫茫禹跡跨兩戒濁河清漢分天經陰陽萬古一摩盪  
晉邊秦鄙嗤紛爭東峰仙掌懸厓撐西峰絕頂可摘星  
中峰削出南壁上金天宮闕松檜青漢唐寶籙幾修復  
民用弗殄神其馨媪神輔佐此其一顯仁藏用微流形  
世人紛紛詫耳目搜括嶮怪窮梯緮縱令捷徑鬪猿狖  
何異閭室窺鼯鼯蘇林玉姜彼何謂千年寂寞空巖扃

我來欲呼睡搏起足未及蹠神光騰安得醴泉與芝草  
持獻閭闔駢歌登

長安春望

朝來雪色霽南山紫氣葱龍挹漢關傑閣迴臨平野濶  
佳時難得首春閒千年鴈塔浮雲白何處龍池夕照殷  
欲藉吟鞦徵故事祇憐歸夢逐朝班

次韻武芝田廉吏行竝示陝中諸子

江海波浪逐河嶽風雲隨塵途三萬里素衣眞化緇采  
風切咨詢閎俗念撫綏讀君廉吏行語重詞無支導闢

亟持燭理繁能擘絲力惟戒自畫巧不矜人施廉吏豐  
在國家無囊橐私廉吏肥在民邑有父母慈廉吏能奉  
令豈獨筦庫司廉吏能養志弗忘貧賤時廉吏之所苦  
乃爲貪吏嗤貪吏之所甘廉吏非不知但爲廉吏直弗  
爲貪吏欺貪吏所不甘廉吏甘如飴願子昌此節終始  
無或移十年成契濶一覲慰調饑孫生花介石志李生  
雲冰雪期潘生樹人著作手素抱慎自持吾願二三子猗  
歟其勉斯弱吏威弗克強吏愛無遺譬如馭六轡緩急  
斟酌之體用一朝裕循良千古貽



玉泉院觀希夷睡像

松風石舫來涼月玉泉墜自非覺中人焉識睡中味

青柯坪題壁四首

襪被五千里名山誓結緣一樓借修竹

時假館楊氏竹圃

萬古

兒青蓮落落礪中樹蒼蒼谷底煙寸松猶不死誰記漢  
唐年

石腹行高下巖頭路是非龍嘘潭霧出鳥帶洞雲歸冰  
墮響成驟泉流聲覺希由來習靜思聞見已忘機

到此塵無滓蕭然意自多千盤通碧落一角瀉黃河渴

飲煩煎瀑偶眠堪藉莎奚奴矜躄捷逕欲上嵯峩  
混沌笑鑿破誰通元妙關心知顛可造神讓岳偏閒磴  
道沒蘿影石牀空蘚斑惟應仙掌屢揮雨到人間

豫讓橋

停驂豫讓橋徘徊重歎惜傷哉國士知死報亦何益

趙城書院登閣

造父川原古荒城夕照多東瞻雄太岳西望渺汾河傑  
構凌珠斗危欄倚鳳柯斯民何以化端在起絃歌

側石驛

幾家陶穴似蜂房一隙南榮透日光儘有高樓臨大道  
讓他安穩放繩牀

五十初度作思寡過篇示兒凡十四章章八句

昔在蓬賢寡過未能弗矜昭昭弗徇冥冥我何人斯盜  
世虛聲射則有蜮嗜則有蝨章一荏苒歲月遷延寒暑皤  
皤黃髮友于致祐猶勞於躬猶儉於處竊祿於

朝愧彼農圃章二臣本布衣來自田間既親稼穡爰抱恫  
瘼彼窮已蹙誰其蘇之彼頑既錮矧又誣之章三彼妖者

狐請焚其骨彼惡者梟請湔其血憫彼顛氓教本刑末

苟奮其身可捫其舌四矧彼顛氓國之元氣譬吾子弟  
家無使害思之思之言曷可易雖艱爾言誰諒爾志五  
惜之曰迂弗迂奈何非之曰愚弗愚則那吾守其拙百  
猶獲一吾騁其巧十已蹶九六士也曷懷惟懷所知無  
辱於友無愧於師知之爲幸不知亦怡雲中有鶴泥中  
有龜七有池可釣乃竭其流有田可耕乃瘠其牛有父  
可事弗養何求有婦可偕弗隱何尤八告爾小子度德  
量力匪功之求惟過之惕何以知之鑑拭則瑩何以草  
之劍淬則精九我之是與爾則隨之我之非與爾則違

之我躬不恤而恤人爲責人斯懟責已誰疵章十已則何

恃所恃惟學可貴可賤可清可濁少而不學志氣旣荒

壯而不學老大徒傷章十一弗學弗仁弗親弗親弗

義所求何事坦塗弗循危機是入早之不圖噬臍何及

章十二囊則有經篋則有史所學何事明哲是軌履錯无

咎損疾有喜吾將終焉豈惟小子章十三雖有嘉肴非道

之珍雖有旨酒非義之醇弗學何事彼醉日昏爛因欲

熾福由懼臻章十四

蘆花詩四首用漁洋秋柳韻和陶亮薌前輩作

十月書卷  
忽驚頭白欲歸魂水閣風亭野店門塞北濃雲孤鴈影  
江南涼月夢鷗痕託根豈必依靈島作態惟應戀遠村  
洗眼秋光明似雪竹牀紙帳好同論

巖絕關河一夜霜敗荷衰柳徧寒塘憐他開處天成蕩  
何似輸來玉滿箱不分銜泥招燕子也羞釀蜜俱蜂王  
西風獵獵漁歌起誰棹扁舟問酒坊

強欲貽君絮作衣語長心重計終非江天潔白魚蝦暗  
海國荒寒鴈鶩稀筍味記同鮮鱸出笛聲遙帶夕陽飛  
風波阻絕難洄溯竊士眞愁素願違

相逢搖落劇生憐  
戍角寒砧起暝煙  
儘許添來秋瑟瑟  
不堪銷盡雨緜緜  
古懷沒泊成今日  
別恨蕭條又一年  
莫向滄江嗟歲晚  
春風消息早梅邊